


AKASHVANI AIZAWL

REGIONAL NEWS UNIT



INAUGURATES ARECANUT PROCESSING UNIT

Chief Minister Pu Lalduhoma chuan vawiin khan Buhchangphaia SSB Agro te Kuhva sawngbawlina khawl a hawng.

Pu Lalduhoma chuan, department chhinchhiah danin Mizoramah kuhva huan hi Hectare 30,000 vel a zau a awm mek a, nikum 2024-2025 chhung khan Mizoram puma Kuhva tharchhuah zat hi Quintal nuai 2 vel nia chhut niin, eizawna ngelnghet leh hlawk tak a nih avangin sorkar chuan Kuhva phun belh zel hi a support-a, Handholding Scheme leh CM Special Package hnuaihte dilna thehluk theih a ni, a ti.

Chief Minister chuan, kum thum kum li kal ta vel atang khan dan lova Kuhva ro tawlh rukna a nasat avangin kan Kuhva chingtuten a hralhna kawngah harsatna an tawk nasa hle tih sawiin. An sorkar ve leh Home Minister Pu K. Sapdanga kaihraina hnuaihte ruihhlo leh Kuhva tawlhruk chu theihtawp chhuahin an do tih a sawi a. Tihrem vek chu har deuh mah se an thawk tha tih tilangtu chu kuhva chingtuten an hralh that ber kum an thleng ta hial hi a ni, a ti.

Agriculture minister Pu PC Vanlalruata pawhin thusawiin, Kuhva chu hnam dangten a par laiin an kharsak a, an lei tlawm thei em em mai a. A tuartu chu Kuhva huan neitute an ni a ti. Market ngelnghet neih hi tul an ti th sawiin, chu mi atana pawimawh tak mai chu process-na a ni tih sawiin Kuhva huan neitute tan a hlu hle tih a sawi a. Thlai sawngbawl chu thlai man titotu a nih avangin kuthnathawktu ten man tlawm zawka an thlaite an hralh theih nan an uar deuh deuh dawn tih sawiin - Sawhthing, Aieng leh Hmarcha thlengin a sawngbawlina hi din an tum tih a sawi bawk.

Chief Minister hi Agriculture Minister bakah Dy. Speaker Pu Lalfamkima leh Adviser to CM Pu Lalmuanpuia Punte ten an tawiawm a ni.

(DIPR)



MPCC

Mizoram Pradesh Congress Committee chuan vawiin khan Chanmari atanga Vanapa Hall thleng kawng zawh an huaihawt.

MPCC ten kawngzawh pui an neihna chhan hi - dik lo taka Lengpui Airport ram bul IAF hnena hralh a nih avang te, India rama christiante nekchepna leh tih duhdah duh lohna vangin leh MGNREGA (Ni 100 inhlawhna) nuaibo duh lohna avang te in Kawngzawh Pui hi an nei a ni.

MPCC President Pu Lalthanzara chuan, India rama sawrkar an hrawn mekin kristian nek chepna lo hluar cho zelah Mizoram atangin engmah thu a chhuak ngam lo nia sawiin, hemi avanga kawng zawh a ngai chu pawl a tih thu a sawi.

MPCC Treasurer Dr Lalmalsawma Nghaka pawhin thu sawiin, Lengpui ram IAF hnenah hralh a nihna a MNF leh ZPM party in puh tawna ah sawrkar lai ten CBI chhui chian tir tura an duh thu a sawi a, MGNREGA - G RAM G an thlak te chu pawl a tih thu a sawi bawk a ni. Hei bakah hian India rama kristiante nek chepna leh tih duhdahna BJP sawrkarah hian a nasat thu a sawi tel bawk a, hengte hi an duhloh zia leh india ram secular state a tiang thil a thleng hi BJP sawrkar an dem thu a sawi bawk.



## **ANTI LEPSORY DAY**

Vawiin khan Health Worker Training School, Kulikawn-ah World Anti-Leprosy Day 2026 hman a ni.

State Leprosy Officer Dr. Lalawmpuia Chhangte chuan Mizoram-ah kum 1996 atangin Phar Natna vei hmuhchhuah a nih thu a sawi a, Phar natna vei hmuhchhuah a nih atanga tun thlengin Mizoram-ah phar 1563 an awm tawh thu a tarlang bawk. Kum 2024-25 chhungin mi 7 enkawl dam an ni a, tun dinhmunah Mizoramah Phar natna vei mi 10 an awm mek thu a sawi.

Health Department Official engemaw zat he hunah hian an tel a, hriselna chungchang zirtirna tha tak tak neih a ni.

(DIPR)



## **Gandhi's Memorial**

Vawiin hi India Hnam Pa, Mahatma Gandhi thih champha wawi 78-na leh Martyrs' Day-ah a ni a. New Delhi-a Gandhi Samadhi, Rajghat-ah Sarva-Dharma Prarthana buatsaih a ni.

President Droupadi Murmu chuan Rajghat tlawhin, Mahatma Gandhi zahna a hlan a. Vice President C P Radhakrishnan leh Prime Minister Narendra Modi-te pawhin Mahatma Gandhi hriatrengnaah pangpar an dah bawk a ni.

Union Home Minister Amit Shah pawhin, Father of the Nation thih champha ah hian chawimawina a hlan bawk a. Social media post-ah Amit Shah chuan hnam, tawng leh sakhaw hrang hrang awmna ram a tih pumkhat thu a sawi a ni

Kum tin January ni 30 Mahatma Gandhi thih champha ah hian hriatrengna hun hman thin a ni a. He ni hi India zalenna leh inpumkhatna atana nunna hlantu, zalenna sualtu leh martar zawng zawngte chawimawina atan Martyrs' Day, Shaheed Diwas tia hman a ni bawk.

(News On Air)

